

Ислам аьтлунтиссар . . .



Июнь зурул 7-нний маркIаIан чакгу буну шавай най унува бивтун увтунни Теологиялул институтрал ректор Макъсуд-хIажи Садикъов. ГанаIал архIал шагьиднал даражалин гъаз хьунни водитель АхIмад Мусаевгу.

Дунияллий Ислам гъаз шаву МухIаммад Идавс ﷺ ва дунияллия лавгун махъгу къадарцIуссар, хIакъсса халифтал Абубакр ﷺ, Омар ﷺ, Осман ﷺ, Али ﷺ лавгункунгу къадарцIуссар. Ислам Аллагьнал ﷻ динни, Аллагьнал ﷻ му дуручинтIиссар, бусурманнал дакъурдива динналул асар леххан бангу шищачIав къашайссар. БивкIу мудан инсаннаIан гъанну буссар: жуярва хьхьичIмигу ливтIуссар, жувагу, жуярва махъ бикIантIимигу так бивкIулийнур ва дунияллия гъантIисса, шищачIав цанма ккаккан бувмунир ххишала ца ссихI ласун къабухъантIиссар. Макъсуд-хIажи кунма шагьидталну лавгми – ахиратлуву

яла талихI бумину лякъинтIиссар. Цала чIумал динналул душмантурал канища ивкIуссар Идавсил ﷺ душнил арс ХIусайн ﷺ, хIакьинугу Расуллулагьнал ﷺ наслулиясса аьлимтал литIлай бур. Миннавасса ца хъанай ур – Арчиблиясса шайх Маммадибирдул тухумраятусса Макъсуд-хIажи Садикъов. Ца вяъзалува шайх Саид-Афандинал (къ.с.) увкуна: «Жабраил малаикнал МухIаммад Идавсихъ ﷺ бувсъссар Омар-асхIаб ﷺ ивкIуну махъ Ислам аьтлунтIишиву». Ислам ганияр махъ аьтIийгу дур. Идавсил ﷺ увкуссар: «Осман-асхIаб ивкIуну махъ ттул ум-матрал ялув тур зулчIай тIунтIиссар». Вана укун увкун бивкIуссар. Ци банссар, укунсса чIунну дуркIун духьукун. Жушца ва шайкун динналул ххулулу бугъанну. ХIакьину мукунсса сантIу жухъра дур». Макъсуд-хIажинал учайссия: «Цумур бунугу миллатрал яла хьунмамур бала – элму, кIулши дакъашивури. Динналул

иширттавусса кIулши дакъашивури – кIилийну хьунмасса балари. ХIакьину чIявуми жулва инсантуруву динналул масаларттаву бакъасса, Аьрасатнаву ялапар хъанахъисса миллатирттал тарихраясса, миннал хасшивурттаясса кIулшивурттугу дакъар. Мунилли жулла дянив дичлачисса, кунная-куннал вихшала къукълакьисса, нигъ дутлатисса». Макъсуд-хIажинал гъанугу бивзун, 2003-ку шиная шинай ректорнугу ивкIсса Теологиялул институт хъанай бур хIакьинусса къини Аьрасатнавусса теологиялул ВУЗирттава яла хьхьичIунмур. «Жул институтрал хьхьичIава-хьхьичIмур мурад – инсаншиву дусса, тIул-тIабиаьт тIайласса жагьилтал тарбия бавури», - учайва ректорнал. Циняв бикIайва Макъсуд-хIажинал дуллалисса даврий махIаттал хъанай, цанарив Аллагьнайн ﷻ вихми бур ганал бивкIулий махIаттал хъанай.

Ас-салам кказитрал редакция



Шягван барз



ИвкIуманал аьхIваллу



Гьуйннал наиб МухIаммадамин

Жуварув яла аькълу бумий?

Ххирасса диндалул уссурвал, ссурвал! Цанасса чIумал аьлимтал диналия бусласини, жунма хьуна бакъай жун ссан аьркини муния буслан, жу бунагьралун багъан цурк буллай бакъару, оьккисса тIуллу дуллай бакъару, инсантал литIлай бакъару, дин-чак къадарчагу жул дакъурдиву чин зарал биян бувансса оьккисса аьмал бакъар, тIисса.

Аьлимтал жухъва вяъза-насихIатру цанма хьин-бала баншиврул къабуллалиссар, му жунмари аьркинсса, гай жуйва дакI ций, жунна хьиншиву

ччай тIий бушиву бувчIлай бикIан аьркини. Чак - букъавну чара бакъасса динналул ттарцIри, Къиямасса къини хьхьичIра-хьхьичIсса цIуххалагу чаклия дайдишинтIиссар. Чак – Аллагьнал ﷻ жуйва бивхъусса буржри, жунма ччайнугу, къач-чайнугу. Чак къабавугу – яла хьуними бунагьирт-тавадсар. ХIатта, чак бан аьркин бакъассар тIий, къабуллалима чапурчуннан ккалли айссар. Жулва оьрчIру жухва вичIи къадихьлан бивкIукун жунма хьинну къаччан бикIай, ку чIумал танмихI бангу багъай. ОьрчIал цалва нитти-буттал увкумур бан ялувса кунма, жуйвагу ялувссар жува лягъан

бувсса Аллагь Тааьланал жуйва ялув бивхъумур биттур буллан, муния пикри бан аьркини. Жула ялун бала бивсса чIумал, ва ттун ссахлунур, циванни, тIун бикIару. Жува оьрчIан танмихI байсса кунма, Заннал ﷻ жуйнмагу сситтала ликкайшиву кIулну бакъа. Атеизм яла цIакъсса совет хIукуматрал заманнай, Брежнев учлачисса гьаттал лагма лавгун кашиштурал ганаха цалла дуккаймур ккалаккисса чIумал шинчIав пикри къавхъунавав, циванни Аллагь ﷻ акъассар тIисса коммунисттурул бакIчи кашиштурал учлачисса, тIисса. ➤ 5

█

Ва
номерданий :

лаж 3

лаж 6

лаж 7

▶▶ 5

Шагьиднал цанийсса мадраса

Май зурул 28-нний Цуссалакрал райондалийсса Цусса Чуртгациял шяраву мадраса тӱвтӱнни. Ва мадрасалун дирзунни шагьидну дуняллия лавгсса Дагъусттаннал Муфтийнал хьиривчу Ахӱмад-хӱажи Тагъаевлул цӱа.



Мадраса тӱтӱаврин хас бувсса мажлисраву гурту хьунни Дагъусттаннал Муфтий Ахӱмад-хӱажи Абдуллаев, Муфтийнал наибтал ва Чӱявусса аьлимтал. Аьлимтал бакъасса, мажлисрайн бувкӱн бия Цуссалакрал районналул администрациялул

бакӱчи Хӱажи Айдиев, министр Бекмурза Бекмурзаев, депутат Зайнуллагъ Мирзаев, правительстволул управлениелулу хьунама Артур Исрапилов ва цаймигу хьамал.

Шяраваллил жамаатрал мадраса бан бувсса хӱарачатран Муфтийнал хьунмасса кьимат бивцунни. Мукунма Ахӱмад-хӱажинал бувсунни Тагъаевлуя: «Га мудан дин гьаз дан хӱарачат буллай икӱайва. Хӱакинну зузисса чӱмалгума, га ачӱ динналул зузала ия. Совет хӱукумат духларгун махь га щаллуну Исламрал давриха зий айивхьуна. Ахӱмад Тагъаевлул увкуссия: «На ттула оьрму Исламрал ххуллий Кьурбан буллай ура», вай мукьуртгийну чӱалай бур га укунсса бивкӱлин мудан хӱадурну ивкӱшиву» - увкунни Муфтийнал.

Министр Бекмурза Бекмурзаевлул мажлисрайн бавтӱминнахь ва шяраваллил жамаатрахь президентнал салам бувсунни: «Хьунмасса барчаллагъ тӱий ура Мухӱаммадсалам Мухӱаммадовлул цӱания районналул жамаатрахь ва бакӱчитурахь Ахӱмад-хӱажи Тагъаев хьама кьаивтунтӱий. Га ия мудан цалва махь бацан бан хӱадурсса инсан. Ганал махьру ва давуртту архӱал дачайва».

Мукунма, мажлисрай махьру лавхьунни Махӱачкьалалул Хьун мизитрал имам Мухӱаммадрасул Сааьдуевлул, Избербаш шагьру-

лул имам Мухӱаммад Арслааьлиевлул, Муфтийнал кумагчи Билал-хӱажинал, Цуссалакрал имамнал хьиривчу Давуд Тамалаевлул, Хасмухӱамад-хӱажи Абубакаровлул ва цаймигу аьлимтурал. Мажлисрай махь лавхьсса циньяв бия Ахӱмад



Тагъаев дакӱнин утлай, ганал инсаншивруя, чувшивруя буслай, бия аьраб мазрай, яру мазрай, лакку мазрай ва чачан мазрай мавлудру дуклай.

Жул корр.

Иракънавасса хьамаличу

Уттигьанну Дагъусттаннай увкӱн ия Иракънавасса хьамаличу, Багдадрал университетрал профессор Абдунасыр аль-Джаноби. Ньюжмар кьини Махӱачкьалаливсса хьун мизитраву ганал вяьза бувна. Дагъусттанал бусурманнахь Американал чапхунчитура-щал хӱакьсса джигьад булла-лисса Иракънал умматраяс-са саламгу бувсуна.



Профессор аль-Джаноби хьуна авкьунни ИТиМОлул студентьтуращал, ва шайх Саид-Афандиначӱн (кь.с) зияратрайнгу лавгунни.

Аьлимчу оьвтӱий ия жулва инсантурайн динналуву дянивсса ххуллу бугьйара, аьлимтурал, шайхтурал тӱмунил хьирив бачи,

марцӱсса динналул лагма лагияра, динналул элму лахьхьйара тӱий.

islamdag.ru

Дагъусттаннал шагьидтурах жаназалул чакру бунни Индонезиянавугу

Индонезиянавусса университетирттаву бур дуклай чӱявусса Дагъусттаннаясса студентьгал. ИТиМОлул ректор Макьсуд Садиков ивчӱаврил хаварданул гай хьинну пашман бувну бур. Гайннава чӱявуминнан Макьсуд-хӱажи ххуйну кӱлүссия, ганал каялувши-ву дуллай ивкӱсса ВУЗраву

дуклай бивкӱнтӱий. Макьсуд Ибнухӱажарович ххуйну кӱлүссия Индонезиянал ва Малайзиянал аьлимтурангу. ИТиМОлул ректорнал гай хӱукуматирттал хьхьичӱлунми институтиртта-вун цалва студентьгал дуклан гьан байва, жулва Дагъусттаннай элмулул, дуккаврил даража гьаз баншиврул.

Индонезиянал Маланг шагьрулийсса мукьва яла хьуними мизитраву ньюжмар кьини Мукьсуд-хӱажинах жанзалул чакру бунни, Индонезиянал хӱукуматрал Исламрал университетра-ву ганах Кьурьан ва зикри бувккунни.

www.islamdag.ru

Цалчинсса элмийсса Исламрал библиотека

Июнь зурул 5-нний Махӱачкьалаливсса Имам Шамиллул цӱанийсса мизитрал чӱарав Дагъусттаннай цалчинсса элмийсса бусурман динналул библиотека тӱтӱаврин хас дурсса мавлуд хьунни. Ва мажлисраву хьуртту хьунни чӱявусса машгьурсса Дагъусттаннал аьлимтал, динналул ВУЗирттал ректортал ва муаьлимтал.



Библиотека тӱтӱаврил каялувшиву дуллалисса мизитрал имам Мухӱаммад-хӱажи Мухӱаммадовлул бувсунни укунсса библиотека тӱтӱаврил агьамшивруя ва сакин бан хӱарачат буллай бивкӱминнахь барчаллагъ увкунни. Библиотекалуву бур бавтӱн мукьвагу Исламравусса мазгьабрал аьлимтурал луттирду: имам Абу-Хӱанифанал, Имам Маликлул, Имам Аш-Шафийнал ва Имам Ахӱмадул.

Мукунма шиву бур оьрус мазрайсса ва Дагъусттаннал мил-

латирттал мазурдийсса луттирду. Мухӱаммад-хӱажинал тӱмунин бувну, библиотекалувусса луттирду мудан чӱяву хьанантӱиссар, тӱар. Библиотекалуву бур хьинну ххуйну щаллу бувсса компьютердал класс, интернет. Исламрал ВУЗирттаву дуклакисса ва Аьрабнал хӱукуматирттал тарих лахьлахисса студентьтураща ва библиотекалувун бувкӱн цанма аьркинсса луттирава элму ласун бюхьантӱиссар.

Абдуллагъ Мухӱаммадов

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Иса ОМАРОВ

Корректор

Курбанисмаил Амиров

Канонический редактор

Курамухаммад МАГОМЕДОВ

Ответственный секретарь

Ахмад МАГОМЕДОВ

Менеджер

Абдусабир АХМЕДОВ

Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____

Тираж 3. 550 экз.

Сдано в печать 18 июня 2011 г. в 18:00

Индекс 51388

Адрес редакции

367015, РД, г. Махачкала, ул Азиза Алиева 2.

Тел.: (8722) 61-00-64.

По вопросам подписки и доставки обращаться по телефону: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;

www.assalam.ru

Тутлал кацI

Ттула пикрилий гьарца инсаннал цала талихI цала канихь бухьунссар. Цукунни учирча, гьарца инсаннал талихI Аллагьнал ﷻ булайхьунссар ганал даражалух, ниятрах урувгун. Му даражагу иман цуксса цIакьсса дурив, муксса лавайсса бухьунссар. Инсан цуксса АллагьначIан ﷻ гьансса урив, мунал талихIрал чанигу муксса лавайсса бур.

автор: Кьурбанисмяил
Амиров

Ттуннив учин чай бур яла лаваймур даражалия. Му бур Аллагь ﷻ ххирашиву, Ислам ххирашиву, Мухаммад Идавс ﷺ ххирашиву. Исламрал ххуйшивруя, Мухаммад Идавс ﷺ лавайшивруя ва Аллагьнал ﷻ цимилул ххуншивруя буслай бусан кьахьунссар. Цанчирча, дин-ислам дур муксса ххаллилсса, чаннасса. Кьурбандалия бусларча – му бур жунма дакIнигу чурххангу дару, му бур хIачIлай укьаччайсса щаращи, канай укьаччайсса ахьулсса. Ва дунияллий диндалуяр ххуйсса цичIав дакьар. Дин му бур мурхь, ахьулсаннул бувицусса, дин дур тутлал кацI, цил кьункьайну оьрмулул тIин-тIааьн ххуй буллалисса. ХIакьну динналул ххуллий оьрму бутлатисса инсаннал талихI бур. Му талихI бур дакIниву. Мукунсса оьрму тутлал кацIлиха лашай. Агь ца ххуйрихха ахьуву ххярхсса хьункIул тутIив, ххуйри инсаннал оьрмугу, хIакьну диндалул ххуллу бугьуну нанисса. Ххаллилшиву дин-исламрал: цуксса ххуйри чаклин оьвтIисса азандалул чу, Кьурбанналул такьва, имамнал буллалисса вяъза. Мияжннугу ттун ми цимурца тутлал кацIлиха лашай. На мударгу хIайран хьанай икIара ххуйну Кьурбан буккайсса инсаннай, ганал дакIниву талихIрал чани бикIайнутIий. Валлагь, Кьурбанналул чунил чурххал базурду чантI учин бай, дакIниву цIу-цIусса ххаллилсса хияллу, пикрирду хьун бай, хIатта нава дахьва яру тIивтIусса кунма, нава дахьва ликкурттай авцIусса куна, Аллагь Тааьланал ттула хьхичI цIусса оьрму тIитIлатIисса куннасса асар бикIай. Мияжннугу му мукун бухьунссар. Ислам – му укуннасса дин дакьар, му дур тутлал кацI, ссунтIа тIий тачIав укьаччайсса. Диндалул тутIтайх дичин дуллай дур дакIгу, пикрирдугу, хияллугу. Бувара дустал зула оьрму кIура баян тутлал кацIлийн!

Шаяван барз

Шаяван барз хьинну ххирасса, даража хьунмасса барзри. Муни-ву ца кьини зума дургьуну цума ухьурчагу, мунал чурх дуржагьрал цIаран хIарам байссар. Алжаннаву Юсуп идавсил ﷺ гьалмахчунугу икIайссар. Ажуб идавсин ﷺ ва Давуд идавсинуксса ﷺ чиригу булайссар. Гьаттал цаншивугу яла гьан дайссар. Мункар-Накирнал цIаххан-нараятугу ххассал шайссар. Кьия-масса Кьини мунал аьвратгу чIалан кьадикIайссайр. Му зурул, хьхичIра-хьхичIсса цIузурул хьхуну, ацIния кIира ракааьт ссунат-чаклил дарча, альхIам бувккуну махь гьарца рака-аьтраву ххю-ххюва кьулгьугу буклай, ацIния кIиазара шагьиднануксса чире буссар, ацIния кIира шиная эбадат дурсаксса чиригу чичайссар, ниттил лякьлул увсса кьини куна бунагьрая марцI шайссар. Муни тIхунмай мияцIалва гьантлий мунал хатIагу кьачичайссар.

Бараатрал хьхунил ххирашиву
Шаяван зурул ацIния шамулку хьхуну, Жабраил малаик ливкссар МухаммадлучIан ﷺ, Аллагьнал ﷻ амру-лийну, шануйтугу изан увну. «Гьархьхуну ххирасса хьхур, вилва мурад чIа уча Аллагьнахь ﷻ», увкусар. Яла Мухаммад ﷺ ивзун дуаь дурссар, умматиннал аьпа ба куну. Яла Аллагь Тааьланал Жабраил гьан увссар, «Вил умматин-нал шанма бутIул ца бутIа вин укьа буллуссар», – куну. Мухаммад ﷺ аьтIун ивкIссар, – «Махьминнан ци бувссар» тIий. Мунил хьхиривмур ацIния мукьил-чинмур хьхунугу ливккун Жабраиллул () увкуссар Идавсихь ﷻ, - «Гьархьхунугу ххирасса хьхур дуаьлукьхьун, жаваб дулайсса. Ивзун вила мурад чIа уча Аллагьнахь ﷻ» - куну. Ивзун Мухаммад ﷺ дуаь дурну, му хьхунугу цала уммат чIа куссар. Ялагу ливккун Жабраиллул, - «Вила умматиннал шанма бутIул кIива вин укьа буллуссар тIий ур вила Аллагь ﷻ», - куссар. Мухаммад ﷺ ялагу аьтIун ивкIссар, махьминнан цивхьуссар тIий. Мунил хьхиривмур ацIния ххюккуса Бараатрал хьхунугу Жабраил ливккун: «Я Мухаммад ﷺ, ва ххирасса хьхури, вила мурад чIа уча», куссар. Яла увкусар: «Я Мухаммад ﷺ, ххаришиву, вила циняв уммат винма укьа буллунни Ал-



лагьнал ﷻ, цайн ширк бивхьума акьса-са», куну. Яла Мухаммад ﷺ ссавруннайн урувгун, арулвагу ссавнил хьулурду тIивтIуну, ссавруннайсса циняв мала-иктал суждалийин багьну ххал хьуссар, Мухаммадлул ﷺ умматиннал аьпа ба тIий. Гьарца арулвагу хьулийгу мала-иктал ккавкссар, гьархьхуну эбадат дурманансса хьинбаларду бувманансса даражарду, чирирду тIий оьвтIий. Яла Идавсугу ﷺ ххари хьуну, мунияр махь гьарца шиная му хьху уттара дуллай ивкIссар.

Бараатрал хьхуну дуван хьин-мур

Му хьхуну гьарца ссавнил хьулурду тIитIайссар. Шантуршва рахIматрал хьулу тIитIайссар. Алжанну чIюлу байс-сар. Малаиктурал байранни. Му хьхуну Аллагь Тааьала халкьуннайн аьлтту увккун, сси бизаврил, гуж баврил сипатрая, рязий шаврил, рахIму баврил ссипатрайн аххана хьуну халкьуннай рахIму бувну, рахIат бувну, цинявннал аьпа байссар. Цайнма ширк бивхьу-маналгу, ссикIир байманалгу, чьхир хIачIайманалгу, зунарахун агьманалгу, нитти-буттан аькьуба дулайманалгу, риба ласайманалгу, ламмамшиву дайманалгу, силагул рахIму (мачча-гьанминнащал дакьаву) бакьаманалгу бакьасса. Минналссарив, тавба кьадур-ну аьпа кьабайссар. Му хьхуну, гьар-цаннал му шиная бувсса аьмал ссавру-

найн лахьайссар. Гьарцаннал ризкь, ажаллу кьадар байссар. Заннан ﷻ ччан бивкIманалсса кунналсса ажаллу махь-ун бувтун, кунналсса хьхичIун буккан бувну насху байссар. Му хьхугу уттара дурну, му кьинигу зума дугьаврил даража хьунмасса, хIатта, му кьини гьарца жиндардил, лелуххалтрал, урт-тилсриннул, хьхиривусса хIаврал зума дугьайссар.

Му хьхуну ацIния кIира ракааьт ча-клил дарча, гьарца ракааьтрай аьлхIам бувккуну махь ацIния цалва кьулгьугу буклай, мунал гьарца оьшивугу яла гьан дайссар, оьрмугу зияда байссар. Ялагу му хьхуну бан хьинсса зад - ца мажлиспрай щя бивкIун шамийлва «Ясин» буккинссар. Му бувккутари, мунил хьхирив алхIамгу бувккуну, ссалаватгу дуртун, Илагь биттажаллил аьъами... тIисса, му хьхуну дуккайсса дуаьгу дуккинссар. Му хьхуну шам шамийлва ми бувккуну, шамилла му дуаьгу дуккинссар. ХьхичIва-хьхичI ми буккайний дин-тIааьт дайсса оьм-ру зияда баннав куну, нийят данссар. Килчин буккайний, ризкь гьарта бан-нав куну данссар. Шамилчин буккай-ний, кьаччисса зад арх баннав, инсан-турайн хIажат кьааннав куну данссар. Мий буккайний гьарца чIумал цалла дуаьлукьхьун жаваб дулунссар тIисса заннугу (дакI дацIаву) зияда банссар.

«Гьунчукьатан»

БАРААТРАЛ ХЬХУНУ ЯСИННАЛУЛ ХЬХИРИВ ДУККАЙССА ДУАЬ

Бисмиллагь-р-рахIмани-р-рахIим
Аллагьумма я заль-манни ва ля юманну аьлайгь, я заль-жалали валь-икрами, я за-тIтIавли валь-ингьами ля илагьа илля анта загьра-ллажжина ва жарал мустажирина ва аманаль-хаифина. Аллагьумма ин кунта катабтани эндака фи уммиль-китаби шакьийян, ав махIрумман, ав матIрудан, ав мукьтарран аьлайгьа фи-р-ризкьи фамхIу Аллагьумма бифадзлика шакьаватий, ва хIирманий, ва тIардий, ва икьтара ризкьий, ва асбитний эндака фи уммиль-китаби саздан, марзукьан, муваффакаьн лилхайрати, фаиннака кьулта ва кьавлукаль-хIакьу фи китабикаль-мунзали аьла лисани набиййикаль мурсали: «ЯмхIуЛлагьу ма яшау, ва юсбиту, ва эндагьу уммуль-китаб(и)». Илагьий биттажаллийль аьъами фи лайлати-ннисфи мин шаьбаниль-мукаррами ллатий юф-ракьу фигьа куллу амрин хIаким, ва юбраму ан такшифа аьнни миналь балаи ма аьламу, ва ма ла аьламу, ва ма анта бигьи аьламу, иннака анталь-аьъзуль-акраму. Ва саллаЛлагьу аьла сай-йидина Мухаммадин ва алигьи ва сахIбигьи ва саллам.

بِسْمِ اللَّهِ الرَّحْمَنِ الرَّحِيمِ . اللَّهُمَّ يَا ذَا الْمَنِّ وَ لَا يُمْنٍ عَلَيْهِ يَا ذَا الْجَلَالِ وَ الْإِكْرَامِ يَا ذَا الطُّوْلِ وَ الْإِنْعَامِ لَا إِلَهَ إِلَّا أَنْتَ ظَهَرَ الْأَجِينَ وَ جَارَ الْمُسْتَجْرِينَ وَ أَمَانَ الْخَائِفِينَ . اللَّهُمَّ إِنْ كُنْتُ كَتَبْتَنِي « كَتَبْتَنَا » عِنْدَكَ فِي أَمِّ الْكِتَابِ شَقِيًّا « أَشْقِيَاءَ » أَوْ مَحْرُومًا « مَحْرُومِينَ » أَوْ مَطْرُودًا « مَطْرُودِينَ » أَوْ مُقْتَرًا عَلَيَّ « عَلَيْنَا » فِي الرِّزْقِ فَامْحُ . اللَّهُمَّ بِفَضْلِكَ شَقَاؤَتِي « شَقَاؤَتَنَا » وَ حِرْمَانِي « حِرْمَانَنَا » وَ طَرْدِي « طَرْدَنَا » وَ اقْتَارَ رِزْقِي « رِزْقَنَا » وَ أَثْبِتْنِي « أَثْبِتْنَا » عِنْدَكَ فِي أَمِّ الْكِتَابِ سَعِيدًا « سَعْدَاءَ » مَرْزُوقًا « مَرْزُوقِينَ » مُوَفَّقًا « مُوَفَّقِينَ » لِلْخَيْرَاتِ فَإِنَّكَ قُلْتَ وَ قَوْلِكَ الْحَقُّ فِي كِتَابِكَ الْمُنَزَّلِ عَلَى لِسَانِ نَبِيِّكَ الْمُرْسَلِ يَمْحُو اللَّهُ مَا يَشَاءُ وَ يُثَبِّتُ وَ عِنْدَهُ أَمُّ الْكِتَابِ . إِلَهِي « إِلَهَنَا » بِالْتَّجَلِّي الْأَعْظَمِ فِي لَيْلَةِ النَّصْفِ مِنْ شَعْبَانَ الْمُكَرَّمِ النَّبِيُّ يَفْرَقُ فِيهَا كُلَّ أَمْرٍ حَكِيمٍ وَ يُبَيِّرُ أَنْ تَكْشِفَ عَنِّي « عَنَّا » مِنَ الْبَلَاءِ مَا أَعْلَمُ « نَعْلَمُ » وَ مَا لَا أَعْلَمُ « نَعْلَمُ » وَ مَا أَنْتَ بِهِ أَعْلَمُ إِنَّكَ أَنْتَ الْأَعَزُّ الْأَكْرَمُ . وَ صَلَّى اللَّهُ عَلَيَّ سَيِّدِنَا مُحَمَّدٍ وَ آلِهِ وَ صَحْبِهِ وَ سَلَّمَ

Шагъидтураха

Дуньяллий оърмлул ахир хъуссарив
Ахират ххарину къамул дурссарив
Ххира Идавсишал ﷺ хъуна бавкъсарув
Алжаннул неъматру члалан бивкъсарив.

Цалчин шагъид хъусса Сайидмухаммад
Вил бивкъулийн вих хъун бюхълай бакъая,
Вил хъирив дарчуна ххаллилсса къюкья
Язи аьлимтурал Дагъустаннайсса.

Вил ххирасса нину Алжаннун шивуй,
Ххира Аьлишаев мудан дакънийсса
Чанна цуку куна ина пперх кунна
Дагъустан билаят машгъур дан увкъма.


Ина савав хъуну ва Дагъустаннай
Цикссагу муьминтал тлайла бавкъуссар,
Ина дузал дурсса телепроектру
Дачин дурну дури вил хъиривминнал.

Вишал архлал зий ивкъ Мухаммадвакил
Хъунма хлал къавхъуну хъирив лавгунни
Губдалан, Пагъаев, ..., Максуд Садикъов
Та къуртал хъунтиссар зул ххаллил къюкья?!

Язи бугълай бури ххира аьлимтал
Муьминтурал дакъру къума-цан дуллай
Жиндрал хъу жанаварт, пикри бувара
Аллагънал ﷻ хъхъичи жаваб цукун дулунну?

Дуньяллий бутлайса цаппара гъантри
Къулвагу бакъана къуртал хъунтиссар
Аьлимтурал оьгтух жаваб дулунсса
Гуж биял хъунссарив Заннал ﷻ хъхъичи зуца?!

Къурбанпаймат



Бусурманнал васият

(дайди хъу хъхъичи мур номер-даний)

Васият дайсса хъус
Имам Муслимлул бувцусса хадисрайн бувну, васият сакин байманан суннатсар шанма бутлул ца бутла ягу муниаргу чансса хъус васият даву. Имам Шафиьнал мазгъабрайн бувну, шанма бутлул ца бутлуар ххишаласса хъус васият даву къахъинсар (карагъат), амма дарчагу, му васият хисавсар. Мукунсса васият биттур баншиврулгу тлайланмасса варистура яхтияр ласун аьркинссар. Гайннал рязишиву къадулурча, хъуслил шанма бутлул ца бутлуар ларай лирчмул хъус васият дурманан къадулайсар. Шанма бутлул ца бутла хисав байссар инсан ивкъусса къини ганача дусса хъуслия, ганал буржругу лавхъун махъ. Ивкъуманал буржру васият дурмуниар чъавусса бивкъун лякъирча, васият биттур къабайсар.

Тлайланмасса варистуран васият баврия
Васият сакин баврил мяъна – хъус тлайланмасса вари-стал бакъаминнан дулаури. Васиятраву тлайланмасса вари-стуран дулара тий бухъурча, мукунсса васиятгу биттур бан бучиссар гайми вари-стурал рязишиву дулурча. Ца-цавай биклай ивчлавайсса

инсаннал ци ба учирча-гу, чара бакъа му щаллу бан аьркинсса ххай. Му къатлайлассар. Шариатрай бувну, хларамсса ягу карагъатсса васият биттур бан къабучиссар, ганиву ци тий бухъурчагу. Чъаруми хъами диклай лас ивкъуну махъ лирчисса ганал янна чара бакъа садакъалун дулун аьркинсса ххай. Мугу къатлайлассар. Гай янна ишла дан аьркинссар ивкъуманал оьрчан мюнпат хъунсса ххулий. Мукунна цамур хъусгу, хъхъичла-хъхъичи ятинтуран хайр биянсса куццуй харж дан аьркинссар. Васиятрал заллуннахъ дуссар ихтияр цанма ччан бивкъисса чумал га баххана бан. Мукун бан ччиманал «на ттула васият хисав бакъассаннун ккалли буллай ура» учаву гъассар. Мукунма, васият дурну диркъисса хъус даххарча, ягу щин-дунугу дулурча, мугу васият хисав бакъассаннун ккалли баву хъанахъиссар. Гъарца бусурманчуннан васиятраву цалва гъан-маччаминнан насихлат бавугу суннатсар: «Исламрал ххулия махъунмай машари, Аллагъная ﷻ нигъа бувсун бикли, хлараммуния арх хъанахъи, Идавсил ﷺ суннатрал хъирив бачи, оьсса хасият думиннашал дусшиву мадари, салихисса Аллагъ-

нал лагъартуннашал бикли, зувагу лахъи къалавгун ва дуньяллия гъантшиву хъама мабитари, на ивкъукун ссавур дувара, аьматри, гъарзад баймур Шариатрал ккаккан бувсса куццуй бува-ра, къакулмур аьлимтурал цлуххияра, Аллагъ ﷻ рязи хъунмур бувара», – увкуну.

Васият биттур баву
Васиятрал заллуннал цалва васият щаллу бан тапшур бувманайн васий учайс-сар. Ганал аьркинссар ивкъуманал оьрчаласса бан, буржру лахъаврил хъирив ацлан, васиятраву бумур тлайлану баврий каялувши-ву дан. Васийну итайссар балугъравун ивсса, аькьлу бусса, цува цаманал каялу-шиву даврий мюхтажну акъ-асса, бусурмансса, аьдлу бус-са, хъун бунагъру къабайсса ва мюрщими бунагъиртай даим къашайсса, васият биттур баврил сант кулсса, вихшала дан бучисса инсан. Васият байманахъ дуссар ихтияр чумуйсса васий итан, масала, «на ина ттула васийну итлатиссар ттул арс балугъраву иянинн», ягу «ттул уссу пулансса сапардания зана хъуннин» увкуну. Мукунма цанма ччан бивкъисса чумал ца васий укъан увну, ганахлу цама итангу бучиссар.

Камал Сагидов

Хъаннихъхъун ка мадулара!

Хлакьину жулва инсантураву чъавусса бунагъирттал лахъ-исса мархри итабавкъуну, ми аьдатиртгавун бувххун, цап-парассаннал миннух къулагъ-асрагу къадувай. Мукунсса бунагъирттава ца хъанай бур чил хъаннихъхъун ка дулайс-са хасият. Му гъарца кланай хъун бюхъайсса бунагъ бур – даврий архлал зузисса, цачлу дуклакисса, ца шъраватусса, гъансса ягу укунма куннан-ку кулсса адимина ва хъамитайпа хъуна бавкъукун. Ца-цавай кланттурдай ка дугъаву хъамала багъаврийн ягу пшай учаврин кура дарнугума дур. Шариатрайн бувну му хларамсса зад бушиву куллу бакъахъурчагума, адиминан къалайкърихха хъаннихъхъун ка дулаву. Циняв Исламрал аьлимтурал тимуни булуну, чил хъаннихъхъун ка дула-ву хларамссар. Му хларамсса бивкъиссия, Мухаммад Идавсилгу ﷺ ка дулайсса диклантиссия, хъаннияту байаьт ласайсса чумал. Муь-минтурал нину, Идавсил ﷺ кулпат Аьйшат ﷺ буслий бур, хъаннил Ислам къамулгу дур-ну, цурк къабан, зуна къабан, цалва оьрчру ликъатлан, Идавсил ﷺ увкумунил хъи-рив бачин хъа буллалисса чумал, Мухаммад Идавсил ﷺ миннахъхъун ка къадулайсса диркъишиву. Мукунма, Тир-мизил ва Насаил бувсъсса хладисраву Мухаммад Идав-

ﷺ тий ур: «На хъаннихъхъун ка къадулара». Бур цаппара бусурман, Абу Ханифал мазгъабрайн бувну хъамитайпалуин ка лаярча, чаклин иссаву къалийссар, муни булуну, хъаннихъхъун ка дулунгу бучиссар, тисса. Чаклин иссаврил ва ка дугъаврил ци дахлаву дуссар? Масъала, чаклин ивсусса инсаннал ци-дунугу дацирча, мунал иссаву къалийссар, аммарив ванин булуну цурк баву – жулла динналин булуну хъинну хъунмасса бунагъри! Идавсил ﷺ увкуссар: «Чил хъамитайпалул ка дурьгунунир, бакравух ххалаххи бакъаву хъинссар» - куну. Хъамитайпалул ка дугъан бучиссар так му вилла шарс-са ягу махрамсса хъамитайпа бухъурча. Инсаннан, кулпатрал багъу-бизулун зарал биян байсса циняр аьдатру Исламрал хларам дурссар. Мукунсса аьдатну хъанахъиссар чил хъаннихъхъун ка дулаву. Цинявпагу бусурман Ис-ламрайн булуну оьрму бутлан хларачат буллансар тисса умуд бур, цан чирча, муниву дуньяллул ва Ахиратарал талих бунутий. Аллагънал ﷻ жухъхъунма тавфикь булун-нав динналуцун дакъаркъус-са аьдатру къадитан. Амин.

Аьли Мурадод

Ибрагъим идавсил ﷺ къисса

(дайдихъ хъхъичИми номердай)

Ибрагъим идавс ﷺ цалва кулпартал Шамлив яхъанан лавгун ур, Вадиаъ-ссабуъ тисса кланайн. Аллагъу Тааблал гайннан чIарусса ризкъи-хъусту дуллуну дур. Гайннал лагмасса зунтурду ва арду дурцIусса ятту бивкIун бур.

Ибрагъим идавс ﷺ тачIав хъамаличу архIал акъа дукра дусса супралух къашяикIайсса ивкIун ур. Хъамал бакъахъурча, га гайннал луглай къатIух занан икIайсса ивкIун ур. Ибрагъим ﷺ идавстурава яла авадминнавасса ца хъанахъиссар.

Цаппара замана лавгукун Гъажардул арс увну ур. Ганан цIагу Исмаил ﷺ дирзун дур. Арс увну махъ Гъажар хъхъичIранияр къанкъа хъуну дур. Му иши-



Сафа-Марвалийн арийла лахъаву хIажлил рукну хъанахъиссар.

рал Саратлун сси бизайсса бивкIун бур. Ца чIумал ганил сситтувух Гъажардул чурххая чIивисса бунугу базу къакъувкъуну къабитанна куну хъа бувну бур. Амма яла паракъат шайхтту, пашман хъуну тавбугу дурну, цилва гукунсса хъа бувшиву Ибрагъимлукъ ﷺ бувсун бур. Ибрагъимлул ﷺ ганин амру бувну бур Гъажардул вичIай мюрщисса ккутIру дан, цилва бувсса хъа зия бан къабатгъаншиврул.

Мунияр махъ Саратлул увкуну бур «На Гъажар бусса кланай къабатIанна», - куну. Аллагънал ﷻ Ибрагъимлул ﷺ вахIюу гъан бувну, Гъажар ва ганил арс Маккалал аьрщарайн биян ба, инава Саратлул Шамлив ацIу, куну. Цацалла гъарзад аьркинмургу ларсун, Ибрагъим идавс ﷺ варианттугъу щяивкIун авчуну ур Маккалив, цува зана хъуннин Сарат Шамлив къабивтун.

Гай бувкIсса клану бивкIун бур я инсан, я щин, я гъай чинсса хъу дакъасса. Гикку Ибрагъимлул ﷺ шарссанин ва оьрчIан ца чIа (шалаш) бувну бур. Лас

махъунай авчукун, Гъажардул чансса цIуру-кIуру бувну бур, амма яла увкуну бур: «Аллагънал ﷻ на шикку къабитан амру бувхъурча, му тгун гъар, цамур цичIар къааьркинни», - куну. Ибрагъим ﷺ идавс цалва арс ва шарссагу къадиртун махъунай авчусса чIумал ганал дуаь дурну, цалва кулпатту бурувчуну бикIаннав, ва аьрщигу халкъуннан бусравсса аьрщи хъуннав, куну.

Дуканмур духлагайхтту, Гъажар щинах луглай занан бивкIун бур. МякIил ссаур духралгсса чIивисса Исмаил хъинну гужну аьтIий ивкIун ур.

Гъажар цал Сафа зунттугъун лавхъун, лагмава бурувгун дур, яла Марва тIимунин лавхъун бур, мукун тин-шин лахълай арийла лавгун бур. Мукун дуаьрттугу дуллая заназисса Гъажардул ца чIу бавну бур «вила оьрчIачIан зана хъу» тIисса. Микку Гъажар анаварну цила арсначIан бувкIун бурча, Исмаиллул ччаннала нанисса щараци ккавкун бур. Жабраил ﷺ малаикнал ччан щусса кланай бувксса. Мунияту му кланттугъун «Ракъзат Жабраил» тIисса цIа дирзссар. Мурчал кунмасса чIунищал нанисса щин ккаккайтту Гъажардул махIатталну «Зам-зам, я мубарак!», куну бур. Яла чIугу лагъ хъуну, щарашуя паракъатсса бяр хъуну бур. Гай щинал мякъ ва ккаши бухлаган байсса бивкIун бур. Мукун рахIатну ялапар хъанан бивкIун бур Гъажар ва Исмаил ﷺ.

Цаппара хIаллава га аьрщарай Хузаъ тIисса аьрабнал къавм бувкIун бур. Гай щинах луглай лагмасса зунтурдайн лахълай буруглай бивкIун бур. Лелуххант бавтIсса клану ккавкун, гайннан бувчIуну бур гикку щин душиву. Гиккун бивукун, гайннан Гъажардул ва ганил арснал къатта лывкъуну бур. «Ва щараци щилли?» - цIувххуну бур гайннал Гъажардухъ, гикку мина дишин чай. «Аллагънал ﷻ ва щараци ттул хъусну хъун бунни», - куну бур Гъажардул. Хузаъ къавмдалул бакIчинал миннат бувну бур цивпагу га щарашул щин ишла дан бити, куну, мунихлу ганин багъагу буллуну бур. Мукун Макка шагърулулул гъану бивзссар. Исмаил ﷺ хъуна хувкун, ганал гай Хузаъ аьрабнавасса душ бувчуну бур. Мунияту ганайн «Абу-ль-аьраб» - аьрабнал пту учайссар.

Ца чIумал Ибрагъим ﷺ цала асначIан увкIсса чIумал, га авлий лавгун шава къалявкъуну ур. Арснал шарнил ганаха багъайкунсса хIурмат къабувну бур. Лахъи къалавгун Ибрагъим ﷺ идавс махъунай ачIан ивкIун ур. «Исмаиллукъ саламгу буси, къатлул бухIулугу баххана ба уча», - увкуну увкун лавгун ур. Исмаил авлия зана шайхтту шарссанил бувсун бур ганахъ ца Шамлиясса хъамаличу увкIун ия, куну. Цинма тапшур бувмургу бувсун бур. Исмаил-

лун га цала ппу ивкIшиву бувчIуну, гацIана шарссагу личIи дурну дур. Яла ганал цамур шарсса дурцуну «бухIулугу баххана» бувну бур, буттал амру биттур баншиврул.

Килчин увкIсса чIумал Ибрагъимлул ﷺ цала арснал къатлуву Алжаннул хIурулгъан кунмасса душ лывкъуну бур. Ганил хъамаличунаха багъайкунсса хIурматту бувну бур. «Зу ци дукару?» - цIувххуну бур ганихъ Ибрагъим идавсил ﷺ. «Гъарзад диялну дур: дикI, накI, зам-зам щин. Вай гъарзад дуллуманайн щукрулий буру» - куну бур арснал шарнил. Яла Ибрагъимлул ﷺ дуаь дурну дур Аллагънахъ ﷻ гайннай барачат биша увкуну, чIа куну. Га дуаьлуя махъ гайнначIа ххавхсса ца лачIал ккукку щалла дуниял дуччин дан биял хъунтIиссия тIар. Ва ххуллугу Ибрагъим ﷺ арс учIаннин къаавцIуну, махъунай зана хъуну ур. Арснал шарнийн Исмаиллукъ ﷺ саламгу бувсун, бухIулугу баххана мабувара учаву тапшур бувну бур.

Шинну ларгун махъ Ибрагъимлул ﷺ цIунилгу цала арс ккаккан ччан бивкIун бур. Гихун ачинин ганал



Ибрагъим идавсил ﷺ дуаь дурссар ва аьрщи халкъуннан бусравсса аьрщи хъуннав, куну.

Саратлул кутIи дурну диркIун дур Ибрагъимлул ﷺ Гъажардухъ ссихI къадуккан, куну. Ибрагъим ﷺ цIунилгу арсначIа авцIуну ур, амма уттигу га шава къалявкъуну ур. Гъажардул цIуллу-сагъшиву цукун дур куну цIувххуса чIумал, ганахъ бувсун бур га ахиратлувун накълу хъушиву. Яла Ибрагъим Халилу-р-РахIман замзам щинавунгу увчIун, арснах ялугълай щяивкIун ур. Исмаил ﷺ авлия увкIукун, гай куннайн ку хъамалагу багъну, хъинну ххари хъуну бур. Микку Ибрагъимлул ﷺ бувсун бур Къаба бан Аллагъная ﷻ вахIюу ливкIшиву.

(гихунмайгу буссар)

Жуварув яла аькълу бумий?

1 « Ганан ва ганал хъиривминнан гъаксса хъинну кIулну бивкIссар Аллагъ ﷻ ушиву, амма динналул ххуллу къакIулсса агъали цанма ччимур чулинмай кIура баен бан бигъану бунутIий, Аллагъ ﷻ акъассар тIий халкъ къаькълухун бихълай бивкIссар. Циванъя туну Брежнев ва ганал хъирив ливтIусса секретарьталгу укунма гъаттавун бивчуну къа-къабитайсса, цала динналул ххуллу къалавснуга? Цанасса чIумалгу жулами президентътал бикIу, чил хIукуматиртталсса бикIу, цала-цала байрамирттай мизитирттавун, килисардавун занай бур. ХIатта, Аьрасатнал хIукуматрал бакIчитурал увкунни «зула оьрчIан, жагилтуран диндалул ххуллу лахъхъин буллаяра, дакIурдиву иман дакъаминная так зарал, къача-къачшиву, инсантал

литIлатIаву, цурк буллалаву ва цаймигу аьркин бакъасса ишру чIявусса най бунутIий». Дунияллий яла хъхъичIунми аьлимтурал, профессортурал, академиктурал жулла дин къамул дуллая бур, цалла чIарусса шиннардил мутталий дуллая бивкIсса давуртган жаваб Къуръаналуву ляхълай дунутIий. Вайннан бувчIлай бур азаллий мукътуршра шинал хъхъичI жула ххирасса Идавс - МухIаммадулчIан ﷺ гъан бувсса Лу инсаннаца чичин къабюхъайсса бушиву, ва муниву чIарусса хIикматшивурттай бувсун бушиву. Къуръаналуву ва хIадисирттаву бувсун бур цIана жучIанма бувкIсса заманнаву хъанахъимур бучIантIишиву. Американал космонавт Нил Армстронглул Ислам къамул дурссар Аьрабнал Эмиратирттаву. Азанналул чIу бавукун, ганал цIувххуссар: «Ва ци

чIури, ва тгун зуруй бавсса чIу бурхха», - куну. «Ва бусурманнал чаклил хъхъичI учайса акбарданул чIури» увкуссар ганахъ. Ганалгу му ссят бусурман дин къамул дурссар Дунияллийх машгъурсса франциянал аьлимчу-океанограф, куртIсса океаннал ва хъхирирдал хъирив лаявуртту дуллалисса, акваланг ляхъан дурсса, тамансса луттирду чивчусса Жак Ив Кусто Гибралтар проливрал щинну ххал дуллалисса чIумал, хIисав хъуну дур аьжайвсса элмулуца дурчIан дан къабюхъайсса хIикматшиву - цимирагу азардахъун шиннардил мутталий цачIу дунура Атлантический океаннул ва Средиземное хъхирил щинну хIала къадухлай диркIун дур. Миннул гъелишиву, цIу бушиву, щинавусса рухI думур, уртту в м. ц., гъарзад личIи-личIисса диркIун дур. Му иширая Кустол цала

дуснахъ бувсукун, ганал увкуссар: «Му иширая Къуръаналуву чивчуну буссархха куну». Мукун Кустолгу Ислам къамул дурссар. Исламрал ххуйшиву, ххаллишиву ккавкминнал къамул дуллая бур тIайласса дин. Дунияллийх цIа ларгсса машгъурсса боксер Майк Тайсон Исламравун увкIссар, ва мукунма, чIявусса футболистътал, килисарттал зузат, жура-журасса пишардал инсантал чIявусса букIлакIиссар Исламрал ххуллийн. ХIакъинусса къинигу, вакса хъхъичIунсса элму дусса чIумалгу аьрабнавуса Евфрат неххал дайдихъу лякъин къабюхъуссар, Къуръаналу-вурив чивчуну буссар ганил дайдихъу Алжаннаву душиву. Мукунна, замзам щинавусса хIикматирттал хъирив лаянгу уттигу къавхъуну бур. Амма жува бусурман бунугу, Къуръаналуву бумунин вих къашаруча, чув-бунугу кка-

зитирттай бувккунунин вих хъанай буру. ХIажлив лавгминнан кIулссар Аьрабнаву Мина тIисса майданнив, таксса кIиришиву дусса кланай, шанма-мукъва гъантлий дукра зия къашайшиву, къурчIи къалагайшиву, цавагу зимиз, мичIак къабикIайшиву, мукъва-ххюва миллион халкъуннал бавтIсса кланай ссаачIав тIааьн дакъасса къанкъ къадикIайшиву. НухI Идавсил ﷺ чIумал щалла дуниял щинавун дюркьукун, дунияллул лагмасса гидросфера зия хъуссар, так Маккалал, Миналул лагмасса кланттурдив личIаннин, муниятур тIар тикку цичIар зиягу къашайсса. Вайксса чIарусса аьламатру лагма дунура, Аллагъ ﷻ акъассар тIий занан цукун шайссар, ягу жува кIай циняв аьлимтурар акълу буссарув?

(гихунмайгу буссар)

ФатIимат, ш. МахIачкъала.

Ивкѳманал аьхѳваллу

ГЪАТТАРДИЙН ЗИЯРАТ БАВРИЛ АДАБРУ

Адаминал инсан ивкѳну гъаттаву ивхѳкун, му я неьматраву икѳайссар, я аьзавраву икѳайссар: хъинсса ухъурча неьматраву, оьсса ухъурча аьзавраву. Хѳатта, мунал масъала хъхъиривун оьвкѳун най ца задрацѳун лавчѳун авцѳусса инсаннал масъала кунмассар. Му кунмассар ивкѳну гъаттаву ивхъусса инсангу. Цахара буттал дуаь давивав, арснал давивав, ниттил, уссил, гьалмахчувнал, гъанчувнал давивав, цуманал садакьа, зиярат бавивав, гъаттал аьзавраву цуманайну къуртал хъувивав тѳий, миннай мюхтажну икѳайссар. Хѳатта, мунал масъала аьбулданияту, гъанминнаяту хъинмагу, оьмагу цаятува садакьа баймагу, къулгъу-къуръан буккаймагу, цала гъаттайн зияратрай учѳаймагу, къаучѳаймагу кѳул шайссар. Хъинминная, мий байманая рязий шайссар, къабайманайн, оьну зий аьсившиву дулла-лиминнайн дакѳ дургъуну икѳайссар. Хѳатта, ивкѳну махъгу хѳатталлил агъуллачѳа мунал къюкьалашиву дуссар дунияллий цалва агълу-авлад оьну, аьсивну заназаврияту.

Хѳатталлил агъулданул цу унуту инсан увкѳкун гъарманал мунахъ суал байссар цалва агълу-авладраяту пулан цукун ур, пулан цукун ур тѳий, хѳатта, цар дурцурив, къадурцурив тѳий, ци хѳаллай ур му? - куну. Ххуйну ур, хъинну ур, хъинсса амалланий ур чирча, рязий шайссар. Оьсса ур, аьсивсса ур чирча, пашман шайссар. Ивкѳну цачѳана къаувкѳма ивкѳссар чирчагу, му жучѳан къаувкѳуннихха, оьсса ивкѳн цамур ххуллийх оьсса кѳанайн лавгъунссар, - куну чайссар.

Хѳатта, муьминтурал рухѳру гъарца нюжмар хъхъуну, эдрал байрамирттал хъхъуну, ххирасса хъхъурдардий лурда-лурмур ссавнийн лирккун цалла къатри тѳайланий гъаваллаву дарцѳуну оьвчѳайссар тѳар пашмансса чѳунийну «я жул къатраву сакин хъумий, жул хъуслил заллушиву дуллалимий, жул хъами шарну бувцумий жул авлад, жул агълу жухлуну садакьа бара, жул цѳими бувара, жул гъурбат дакѳнин багъияра, жу кумасса кѳанай буру, пашманшивру-ву буру. Зу кунма жугу буссияв, жугу къаритарду дуниял, зугу къаритантѳиссар. Ккъашиллан дуканмур дулара, кѳачѳанан янна дулара, жул гъаттайн зиярат бара, хъинмунийн чъавшиву дара. Жунгу мукун дуллумур дакьа, хъинбалларал ххуллий гъан дурмур дакьа къаляркъунни, - куну оьвчѳайссар тѳар. Яла дунияллийсса, миннал гъанминналгу миннахлу му садакьа барча, миннал гъаттайн зиярат барча, къулгъу-къуръан бувккуну дуаь дарча, мий бувминналсса рухѳру ххарину тирх тѳий кѳура даяйссар. Хъунмасса чиригу хѳасул шайссар. Къабувминналсса пашманну, гъарибну кѳура даяйссар. Мий ливтѳумий муксса мукун мюхтажну бикѳайхъувкун, мий кунма гъунтѳийнин жувагу мукунма личѳантѳий бухъувкун, жула имам Шафѳиьнал мазгъабрай уттаваминнал ливтѳуминнаха бувсса хъинмалларал чиригу, мюнпатту миннал биллайгу бухъувкун, аьзавравусса ухъурча аьзав куклу дуллай, неьматравусса ухъурча ялунгу зияда буллай. Минная садакьа баву, Къуръан буккаву, дуаь даву, хаснува гъаттайн зиярат баву, къулгъу баву хъинссар, арамуран бикѳу, бунагъравун къабагъанну буллалисса хъаннин бикѳу. Муниву миннал хъунмасса мюнпат буссар.

Хѳатта, уттаваминнал кунначѳан куннал ссайгъат гъан бавриха лавхъхъуссар ливтѳуминнаха бувсса хъинбала-дуаь. Му нурданул зунтту хъуну буххайссар миннал гъаттаву. Ягу малаик лагайссар мунал гъаттаву нурданул тѳабакърацал ялун карцигу дуртун. Ва вила арснал, уссил, буттал, ниттил, гъанчувнал, гьалмахчувнал, пуланнал вин гъан бувсса ссайгъатри тѳий. Хаснува гъаттайн зиярат бавриву цанмагу хъунмасса мюнпат буссар.

Бивкѳу, ахират дакѳнин дагъайссар. Къянкъасса дакѳру кѳукѳлу шайссар. Бунагъирттал аьпа байссар. Ивкѳусса инсаннал яла захѳматсса чѳун гъаттаву ивхъуну хъхъичѳра-хъхъичѳсса хъхъур. Му хъхъуну бан аьркинссар мунаха байсса садакьа бикѳу, къулгъу-къуръан бикѳу, зикри-дуаь дикѳу. Хѳатта, му хъхъуну мунал гъанманал бунугу, щил бунугу кѳира ракааьт чаклил



Ливтѳумий жулла дуаьрдах мюхтажну буссар.

дарча, гъарца ракааьтрай ацѳиня цалва аьхѳламгу бувккуну, яла мунил хъирив ацѳиня цал-цалва сура «ат-такасур» (алгъакуму-т-такасур) ва Къулгъугу бувккуну, яла салам буллувкун мунил чире мунал биян ба куну дуаьгу дарча, Аллагу Тааьлнал мунал гъаттаву азара малаик тѳайла айссар му ссайгъат лавсун нурдацал Къияматсса Къини дучѳаннин, му аьлахъан улан. Му чак буванан цанмагу хъиннува хъунмасса хѳисав дакьасса даража буссар. Зиярат бан гъаттайн лагаймагу ккашилну лагаву хъинссар. Увчѳусса чѳумал ливтѳуминнах пикри къабикѳайссар. Мий ххал къабигъайссар. Чире хѳасул къашайссар. Му зиярат бан яла ххиратур чѳунгу ххамис кѳини ахтакъуя махъ, ххуллун кѳини баргъ бияннинсса чѳунни. Итни кѳини ва эдрал кѳинирдай бавугу хъинссар. Мий кѳинирду чѳаруну рухѳ чурххачѳан дучѳайсса кѳинирдур. Хаснува нюжмар кѳини хъиннура хъинссар. Утти, му зияратрай лавгун гъаттал ялун ивукун мунайн лажинну, къиблаллийн тѳиликѳну авцѳуну цал салам буллунссар **Ассаламу аьлайкум я агълал къубур** - куну. Минналгу жунма къабаярчагу му ссалам ласайссар. Яла мунил хъирив дуккайсса дуаьгу дурккуну мунайн лажинну щяивкѳун ягу авцѳуну уна буккайссар.

са къулгъу-къуръангу буккинссар. Яла ахирданий дуаьгу данссар цал цахара, яла идавсиха яла нитти-буттаха, яла гъанминнаха, хѳатталлил агъулдануха, Мухѳаммад идавсил **суннат бушиву къакѳулсса цучѳав акъахъунссар. Мунияту гъарца бусурманчувнан аьраб мазрай Къуръан буккин лахъхъин хѳарачат буллан аьркинссар. Расулулагънал **уьвкуссар: «Зувату яла ххуйма - Къуръан буккингу лавхъхъуну, цаманангу лахъхъин бумари», - куну. (Сахѳихѳ Аль-Бухари, 4639). Ва хѳадисрайн бувну, Аллагънал **хъхъичѳи яла лавайману, хъинману икѳан ччиманан чара бакъа Къуръан буккин лахъхъин аьркинни.******

Амма, гъав дакьасса кѳяла барз бусса кѳанай салам къабулунссар, дуаь данссар. Гъаттацѳух, хѳатталлициѳух нанима ссалам къабуллуна, дуаь къадурна ачирча, му хѳатталлил агъулданул

учайссар: «Я гъапулма, вин кѳулссания жун кѳулмур вил чурххайсса дикѳ дассанссия», - куну. Дуаь дарча, му хѳатталлил агъулданун хъунмасса мюнпат буссар. Хаснува аьлимчувнал, мутааьлимнал мичча наниний миннаха дуаь дарча миннал барачатрайну минная аьзав яла ласайссар. Хѳатталлив дукра дукан, пайда бакъасса дунияллул ихтилат, калам бан, цѳу дишин, хѳайван биххан къахъинссар, карагъатссар. Гъаттайсса щѳоллисса уртту ххартѳи дангу карагъатссар ми щѳоллиссаксса хѳаллай гъаттавуминнаха тасбихѳи дуллай дикѳайссар, гайннал аьпа баву чѳа тѳий. Гъаттардил ялтту занангу карагъатссар, ялту къалавгун цала гъаттачѳан къаиллай ухъурчания акъасса, му чѳумаллив гъан бучѳир. Нажасраяту, хѳайван лахъаврияту, хѳатталу чапалшивруяту, мунил агъулданун зарал буссар. Хѳатта, гъаттал ялун ца ттукку, хѳайван кѳуширча, мунил кѳунтѳи му гъаттавусса къаркъаллувух буккайссар. Мукун бухъувкун гъарца хѳатталлу лагма чѳира бувну занакъала дурну, марцѳну ядавриву чире хъунмассар. Марцѳссаксса ливтѳунангу хайр хъунмассар.

«Насѳхѳатулъ аьвам» («Гъунцукъатѳан»)

Зувагу лавхъхъуну, цайминнангу лахъхъин бувара!

Ттул пикрилий Къуръан буккаву Мухѳаммад Идавсил **суннат бушиву къакѳулсса цучѳав акъахъунссар. Мунияту гъарца бусурманчувнан аьраб мазрай Къуръан буккин лахъхъин хѳарачат буллан аьркинссар. Расулулагънал **уьвкуссар: «Зувату яла ххуйма - Къуръан буккингу лавхъхъуну, цаманангу лахъхъин бумари», - куну. (Сахѳихѳ Аль-Бухари, 4639). Ва хѳадисрайн бувну, Аллагънал **хъхъичѳи яла лавайману, хъинману икѳан ччиманан чара бакъа Къуръан буккин лахъхъин аьркинни.******

автор: Мухѳаммадамин Мухѳаммадрасулов

Жулва инсантал, хаснува хъунив хъуми, чѳавуну тѳун бикѳай «на му оьрмулува увккунна», «чѳун дакъар», «ттун чѳивину унува нитти-буттал лахъхъин къабувна», «нач хъанай дур» тѳий... вай гъарзад укунмасса учаймахъру бушиву чѳалай бур, цанчирча, Идавсил **уьвкуссар: «Зу элму-кѳушллулчѳан кѳункѳу тѳути чѳиви оьрчѳал кѳантѳуя байбивхъуну гъаттавул бухханнин».** Къуръан буккавил ххирашивруя чѳавусса хѳадисирттаву бувсун буссар: «Къуръан буккин лахъхъияра, цанчирча, Къиямасса Къини Къуръанналул шафааът буллантиссар цуппа бувккунуха». Цамур хѳадисраву увкуну бур: «Кѳия инсаннаха дакѳ мяшну икѳан бучѳиссар - Къуръангу лавхъхъуну дяхтѳа ва хъхъувай га булкакиманаха ва хъхъувай ва дяхтѳа Аллагънал **ххуллий хъус харж дуллалисса аваданчувнаха.** Ялагу увкун бур: «Къуръан кѳулма уссар малаиктурацал ца щуттаву. Захѳматну буьнува хѳарачат буллай Къуръан буккин лахълахъимананни кѳилийнусса чире буссар».

Аьбуллагъ ибну Масъоьдлул бувсѳсса хѳадисраву увкуну бур: «Аллагънал **лутѳирава ца хѳарп дурккунан ца хъиншиву чичѳайссар, гъарца хъиншивруху ацѳлийнуса чире бикѳантѳиссар».** Му бакъассагу, аьраб мазрай Къуръан буккин кѳулсса бусурманчувнаца хъунтѳиссар тѳайлану дуаьртту, азкарду, тасбихѳру дуккин цала Мухѳаммад идавсил **дуклай ивкѳсса куцѳуй. Ххирасса уссурвал ва ссурвал! Гъинттул чѳумал жунма хѳарачат бан аьркинни жулва оьрчѳру кѳинибархан кѳичѳиртту батлай заназѳи къабувну, мизитирттавул, мадрасардавун иман-ислам лахъхъин, Къуръан буккин лахъхъин тѳайла буккан. Цалва оьрчѳру дин лахъхъин гъан бувсса нину-ппу мунияту цанна Къиямасса Къинилинсса чире хѳадур буллалиссар. Оьрчѳру гъан баву бакъассагу, нитти-буттан цившпагу Исламрал дин лахъхъин гъан бучѳир, нач къадурну, Аллагъ **цаятува рязину икѳаншиврул. Аллагънал **кумаг баннав!******

ДАГЕСТАНСКИЙ ИСЛАМСКИЙ УНИВЕРСИТЕТ И МЕДРЕСЕ ИМЕНИ ШЕЙХА МУХАММАД-АРИФА Объявляют прием абитуриентов на очередной 2011/12 учебный год

объявляют прием абитуриентов на очередной 2011/12 учебный год. Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

- ✓ в Дагестанском исламском университете – 5 лет.
- ✓ в медресе – 3 года.

- ✓ нотариальная копия документа об образовании;
- ✓ копия паспорта – 2 шт.;
- ✓ фотокарточки размером 3/4 в количестве пяти штук;
- ✓ медицинская справка Ф 086;
- ✓ прививочный сертификат Ф 156/93-у;
- ✓ рекомендация от преподавателя осуществляющего религиозного обучения, либо от руководителя мечети (имамы), расположенной по месту жительства абитуриента.



Прием документов с 1 июня по 17 августа.

г. Махачкала, ул. Дахадаева, 136
 тел.: 8 (8722) 67-55-08

БучИссарив кIюрххил акбар учайхтту гацIана чак бан?

Чаклил чIун дуркIшиву мьяйжанну кIулну бухурча, чак бан бучИссар. Амма азан увкуну махь чансса хIаллай ссавур даву хьинссар, 20-25 минутрайагу.

БучИссарив шарссанин ласнал ихтияр дакIанура цалва нитти-буттачIан лавгун махьунмай зана кIахьанан?

Хьамитайпалун чара бакIа цила ласначIан зана хьун аьркинссар ганал Шариатрал цайва бивхьусса буржу биттур буллай ухурча. Мукун бунува, шарсса зана хьун рязи хьанай дакIахурча, ласнай ганил напакIа ялув бакIассар, га цурдагу бунагIравун дагIагIиссар, ганийн малаиктурал нааьнагу бияйссар. (Фатава Халилия).

Инсан хьхьичIух гьарча чак зия шайссарив?

ХьхьичIух инсан лагаврийну чак зия кIашайссар, амма чак буллалиманал цалла хьхьичI ци-дунугу диширча хьинссар, муниин сутрат учайссар. Сутрат дурчIаврил низам: хьхьичIа-хьхьичI хIарачат бан аьркинссар чIирачIа ягу ттурцIачIа ацIан (масала мизитраву чак буллалиса чIумал), мукун кIабюхьарча, цалла хьхьичI ттархь ягу аьсав аьрщаравун кIутIинссар, мукунгу кIабюхьарча, сутратну шайссар чаклилунсса, чаклилунссагу дакIахурча, хьхьичIух ца буккайссар. Сутрат дишайссар чак буллалиманаяр чансса урчIайннайну ягу чансса куайннайну. Чак буллалиманал ва ганал сутратрал дяних уккан кIабучИссар, хIарамссар. Сутрат дурчIаврил низамгу дурурчуну чак буллалиманал хьхьичIух цу-унугу увкун ачирча, ка гьаз дурну га ацIан аву хьинссар. (ФатхIул-Аьллам).

ХХИРАССА УССУРВАЛ ВА СУРВАЛ!

**НАЙ ДУССАР 2011-КУ ШИНАЙССА "АС-САЛАМ" ККАЗИТРАЛ ПОДПИСКА.
 ККАЗИТ ЧИЧИН ХЬУНТИССАР ЧЧИМУР ПОЧТАЛИЙ, ВА МУКУНМА ГЬАРЦА РАЙОННАЙССА ЖУЛ
 ВАКИЛТУРАЙХЧИИН. ЛАККУ МАЗРАЙССА ККАЗИТРАЛ ШИНАЙССА БАГЬА ХЬАНАХЬИССАР 211
 КЬУРУШ, ОЬРУС МАЗРАЙССА ККАЗИТРАЛ – 463 КЬУРУШ.
 ДАКИ ДАРЦИУНУ БУРУ, ЖУЛА ХХИРАССА БУККУЛТ, ККАЗИТ БАКЬА КЬАЛИЧИАНССАР ТИЙ.
 МУНИЦАЛ ЗУЛ ДАКИУРДИВУН ДУХХАНТИССАР ХХАРИШИВУ, ХИАЛИМШИВУ, ДУЛЛАЛИМУНИВУ
 ТИАЙЛАБАЦИВУ ВА БУЛЛУГЬШИВУ. АЛЛАГЬНАЛ I КУМАГ БАННАВ!**

ДУАЬ

ЧУВШИВУ, СИСАВУ ГЬАРЗА ХЬУНШИВРУЛ ДУККАЙССА ДУАЬ

اللَّهُمَّ إِنِّي أَعُوذُ بِكَ مِنَ الْكَسَلِ وَالْهَرَمِ وَالْجُبْنِ وَالْبُخْلِ وَسُوءِ الْكِبَرِ وَفِتْنَةِ الدَّجَالِ وَعَذَابِ الْقَبْرِ

Аллагьумма инни аоьзу бика миналь-касали валь-гьарами валь-жубни валь-бухли васу-иль-кибари вафитнати-д-Даджали ва аьзабаль-кьабри.

Сапарданийсса чIумал чак цими гьантлий кутIа бан бучИссар?

ХIалалсса сапарданийсса бусурмачувнахь ихтияр дуссар мукьра ракааьтрайсса чак (ахттайн, ахттакьун, хьатIан) кутIа буну кIира ракааьт дан. Чак кутIа баврил дуссар арулла шартI:

1. Сапар бикан аьркинссар ахьта най кIива гьантлул мутталайсса (дянивну 83 километра, му ххуллу машиналий ягу бурттий анаварну битлай бунугу, чак кутIа бан бучИссар).
2. Ца мурад, кьаст дусса сапар бикан аьркинссар. Чун наниссарив, циван наниссарив кьакIулну най ухурча, чак кутIа буллан кьабучИссар.
3. Чак бахIайсса чIумал (чакливун увххун «Аллагьу Акбар учайний»), му чак кутIа буну бансса нийят дикан аьркинссар.
4. Чак кутIа буну бан ччисса инсаннан шаллуну мукьрагу ракааьт дуллалисса имамнал хьирив бан кьабучИссар. Мукунса имамнал хьирив буллай ухурча, кутIа кьабуну, шаллуну банссар.
5. Чак буну кьуртал хьуннин дакIиву дикан аьркинссар нийят му чак кутIа буну бансса. Масьала, чакливу нийят даххана хьуну, чак шаллуну бансса кьаст хурча, му чак кутIа бан кьабучИссар.
6. КутIа буну буллалисса чак кьуртал хьуннин сапарданий икIаву. Масьала, жамиллий нанисса инсан чакливу унува цалла миналийн иярча, му чак шаллуну бан ялувссар.
7. Чак цумур чIумал ва цукун кутIа бан бучИссарив кIулну бикан ялувссар.

Ца шагьрулийн ягу шьравун ивукун, гикку мукьва гьантта ягу ххишала бансса кьаст духурча (гиккун увкIсса ва гичча гьансса гьантри кьахIисавну), гикку чакру кутIа буллан ихтияр дакIассар. Амма га кIанай цуксса хIаллай личIансарив кьакIулну (мукьва гьантлуяр чансса ягу ххишаласса), хIакьинугьунтти тIий ухурча, ацIния мьяйва гьантлуин бияннин чакру кутIа буллан бучИссар.


Чак кутIа бан бучИсса сапарданийсса чIумал кIива чак куницIун-ку лавсун кутIа бан ихтияр дуссар (ца кIюрххил чак личIаннин). Ахттайн чак ахттакьун чакличIан ласун бучИссар, ахттакьун чак – ахттайн чакличIан. Мукунма, маркIачIан чак хьатIан чакличIан ва хьатIан чак маркIачIан чакличIан.

Ахттакьун чак ахттайнмуничIан ягу хьатIан чак маркIачIан чакличIан ласлай бухурча шанна тIалавшин биттур дан ялувссар:

1. Ахттайн чак ахттакьун чаклил хьхьичI байссар, мукунма, маркIачIан чак хьатIан чаклил хьхьичI.
2. ХьхьичI буллалисса чакливу нийят дикан аьркинссар чакру кIутагу буну цанничIан ца ласун.
3. КIивагу чак цаннил хьирив ца бан аьркинссар, хьунмасса манзил гьан кьабивтун. Ца чак бувайхтту гацIана кьаматту дуккуну кIилчинмур буллай байбишайссар. КIивагу чаклил дянив кIира ракааьтраксса манзил гьарча, кIилчинмур чак (ахттакьун ягу хьатIан) цилва чIумал бан кьабитайссар.

Чак махьунмай ласайсса чIумал ца шартI дуссар: цалчинмур чаклил чIун дукканин чак махьун ласунсса нийят дан аркинссар, акьахурча, му чак хьирив лахьан ялувссар.

«Чак – бусурманчувнал бурж» тIисса луттирава




1	2:59	5:11	12:59	17:02	20:36	22:29
2	3:00	5:12	13:00	17:02	20:36	22:29
4	3:02	5:13	13:00	17:02	20:36	22:28
6	3:04	5:14	13:00	17:02	20:35	22:27
8	3:07	5:16	13:01	17:02	20:34	22:26
10	3:10	5:17	13:01	17:02	20:33	22:25
12	3:12	5:19	13:01	17:02	20:32	22:24
14	3:15	5:20	13:01	17:02	20:31	22:23
16	3:18	5:22	13:02	17:02	20:30	22:22
18	3:21	5:24	13:02	17:02	20:28	22:21
20	3:25	5:25	13:02	17:02	20:27	22:19
22	3:28	5:27	13:02	17:01	20:25	22:17
24	3:31	5:29	13:02	17:00	20:23	22:14
26	3:35	5:31	13:02	17:00	20:21	22:11
28	3:38	5:33	13:02	17:00	20:19	22:08
30	3:42	5:35	13:02	16:59	20:17	22:04

ДАГЕСТАНСКИЙ ИСЛАМСКИЙ УНИВЕРСИТЕТ
И
МЕДРЕСЕ ИМЕНИ ШЕЙХА МУХАММАД-АРИФА

ПРОДОЛЖИТЕЛЬНОСТЬ ОБУЧЕНИЯ:

ПЕРЕЧЕНЬ ДОКУМЕНТОВ:



Наш адрес:

г. Магистан, ул. Дагдасма, 136
тел.: 8 (8722) 67-55-08

Empty rectangular box for text entry.

Empty rectangular box for text entry.

Empty rectangular box for text entry.

Large empty rectangular box for text entry.

Empty rectangular box for text entry.

Empty rectangular box for text entry.

Рузнама
ИЮЛЬ

Кьини	Кьурхил чак	Баргъ букваву	Ахтайн чак	Ахтакьун чак	Маркачан чак	Хьатлан чак
-------	-------------	---------------	------------	--------------	--------------	-------------

Calendar grid for the month of July (Июль) with columns for days of the week and dates.